

**Theologia Scholastica Secundum Viam Et Doctrinam D.  
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

§. III. Corollaria.

---

[urn:nbn:de:hbz:466:1-73455](#)

nimirum loquitur S. D. de amore efficaci, non inefficaci & simplicis complacentia, quem ad possibilia terminari dicimus. Imò sicut Adversarii concedunt nobiscum, scientiam simplicis intelligentiae esse virtute & quasi in actu primo causam rerum, ita similiter nobiscum recte dicent, amorem possibilium esse virtute, & quasi in actu primo effectivus: sicut enim efficax DEI voluntas est in actu secundo amor effectivus, in quantum vult & approbat actualem habitudinem rerum ad esse, ita inefficacis DEI voluntas, & quam vocamus simplicis complacentia, est amor virtute, & in actu primo effectivus, in quantum approbat, & sibi complacet in habitudine possibili, quam res habent ad esse: sicut & ipse artifex, antequam decernat artificiosem formam in opus inducere, prius in ideato à se concepto, & per idem artis representatio complacentiam habet. Non ideo tamen ista complacentia & amor possibilium erit actus liber in DEO, cùm non fundetur in contingenti & libera, sed necessaria coniunctione, quam habent possibilia cùm Divinis ideis, omnipotencia, & bonitate.

## §. II.

## Solvuntur objectiones.

5. Dices tamen primò: S. D. hic a. 3. universaliiter ait, alia à se DEVM non necessario, sed liberè velle. Quod repetit 1. cont. gent. à c. 81. & alibi. Resp. S. Doct. hic loqui de amore efficaci, non de amore simplicis complacentia.

6. Dices secundò: qualibet potentia non nisi ad rationem formalem sui objecti fertur necessariò, necessitate quoad specificationem; sed res creata possibiles non pertinent ad objectum formale Divinæ voluntatis: ergo. Resp. dist. maj. nisi sint aliqua necessariò connexa cum illo specificativo, conc. si sunt connexa, nego. sed possibilia non pertinent ad objectum specificativum Divinæ voluntatis, ut neque sint necessariò connexa cum illo, nego, ut sint connexa, conc. min. & nego consequentiam.

7. Dices tertio: sequeretur, quod Spiritus S. procederet ex amore creaturatum, quod tamen communiter Theologi non admittunt in Tract. de SS. Trinit. Resp. tam parum esse inconveniens, ut Spiritus S. procedat ex amore per modum simplicis complacentia ad creaturas terminato; quamquid Verbum procedat ex cognitione possibilium; imò hoc insinuat S. D. loco suprà cit. Unde Theologi communiter de efficaci amore actuallium creaturarum loquuntur, cum negant Spiritum S. ex illo per se procedere.

8. Dices quartò. Objectum finitum & inadäquatum non potest necessitate voluntatem infinitam; sed creature possibiles tantum sunt objectum inadäquatum & finitum: ergo non possunt necessitate Divinam voluntatem. Resp. objectum finitum & inadäquatum non potest voluntatem infinitam necessitate, necessitate objectiva, & parte ex parte sui proveniente, conc. subjectiva, & proveniente ex infinitate subjecti, nego. sicut enim ex infinita perfectione subjecti, & cognitionis Divinae provenit, ut quamvis possibilia ra-

tione sui non habeant infinitam scibilitatem, tamen necessariò cognoscantur, quia nimirum necessariò comprehendo suam omnipotentiam, etiam necessariò comprehendit DEUS omnem terminum connexum cum illa; ita etiam ex infinita perfectione subjecti & voluntatis Divinae provenit, ut necessariò amando suam bonitatem & omnipotentiam, necessariò amet terminos cum illa necessariò connexos.

Dices quintò. Obiectum intellectus juxta S. D. intrà q. 82. a. 3. est simplicis & magis absoluunt, quam objectum voluntatis. h. e. interprete Caietano, objectum intellectus est quidditas rei sub conceptu quidditatis, voluntatis vero objectum est res prout existens: ergo possibilis, qui praescindunt ab ordine ad existentiam, possunt quidem esse objectum Divine scientie; non autem voluntatis. Resp. objectum intellectus sine veritate magis absolute, quam si objectum voluntatis, quia verum, quod est objectum intellectus, potest absolute concepi sine habitudine ad esse, ut sit in speculacionibus Mathematicis, at vero objectum voluntatis aliquam requiri habitudinem ad esse. Nec tamen requiritur actualis habitudo; sed sufficit possibilis juxta dicta.

## §. III.

## Corollaria.

Colliges primò: Si objectum volitum formaliter spectatur, DEUM semper illud vult, quod est optimum: secus si spectatur materialiter, & creativè. Formaliter spectatur volitum, pro subiecto motivo formalis bonitatis Divina, que semper est infinita perfecta. Materialiter spectatur, prout est in seipso: & sic certum est, immutatam esse altera meliorem: imò optimam & perfectissimam produci non posse constat ex dicta perfectione DEI.

Colliges secundò: Illas virtutes & actus voluntatis in DEO formaliter admittendos, quia nullam dicunt imperfectionem. Unde primo est in DEO non tantum amor, de quo diximus, sed est gaudium, delectatio & fructus, quia hoc dicit quietem voluntatis in objecto volito: sed hoc maximè locum habet in DEO, qui est sibi sufficientissimus. Secundò est in DEO Zelus juxta illud Ex. 24. Ego sum Dominus DEVS tuus fortis Zelotes. Nam Zelus secundum S. D. 1. 2. q. 23. a. 4. nil aliud importat, quam intranscendum amorem fortiter excludentem commobi contrarium: sed DEUS ita intranscendit gloriam: ergo. Tertiò est in DEO formaliter misericordia, quod effectum sublevandi alienam miseriam, quia ut se nullam dicit imperfectionem; non autem quantum ad motum appetitus sensitivi, qui est tristitia de malo alieno. Quartò est in DEO formaliter iustitia distributiva quod a quilibet distributionem juxta cuiusque recipientis proportionem & dignitatem: non secundum obligacionem ortam ex iure recipientis. Et sic alia quoque virtutes & actus, quatenus ab imperfectione absolvit nequeunt, non sunt formaliter in DEO, ut iustitia commutativa, que supponit

ut debitur legale, & suo loco tractabitur, tem-  
perantia, quæ tendit ad pauciores in ordine conti-  
nendas, odium, quod pro objecto terminativo  
habet malum quæ tale: ira, quæ supponit tristi-  
tiam ex injurya illata acceptam: desiderium, quod  
fetur in bonum absens, excluduntur à voluntate

## ARTICULUS III.

Quotuplex sit voluntas in DEO?

## SUMMARIUM.

1. *Divisio voluntatis in DEO est materialis.*
2. *Alia voluntas absoluta & efficax, alia condi-  
tionata, & inefficax.*
3. *Quid sit voluntas antecedens & consequens?*
4. *Voluntas antecedens esse voluntatem bene-  
placitum ostendit autoritas S. Script.*
5. *Probat preparatio mediiorum sufficientium ad  
salutem.*
6. *Et universalis cura tam de singulis, quam omni-  
bus hominibus.*
7. *Confirmat exemplum Iudicis.*
8. *Voluntas antecedens non inducit imperfici-  
onem.*
9. *Infracta de voluntate conditionata & meru.*
10. *Exponunt varie autoritates S. Scripture.*
11. *Divisio voluntatis in antecedentem & conse-  
quentem est adequata.*
12. *Aliquando voluntas antecedens & consequens  
conjugantur.*

## §. I.

## Divisio voluntatis.

**V**oluntatum divisio non ex aliquo intrinseca  
distinctione virtuali, quam in una linea non  
dari pridem dictum; sed ex objectorum materia-  
lium volitorum diversitate, circa quæ Divina volun-  
tates versature, accipitur: & foler primò dividit  
voluntas DEI in voluntatem signi & beneplaciti  
ex S. D. a. 11. voluntas beneplaciti est propriæ &  
formaliter voluntas, quia effectus Divina voluntatis  
formaliter in DEO existens. Voluntas vero  
signi non est propriæ sed metaphorice voluntas;  
quia non est ipse actus Divina voluntatis, sed ex-  
trinsecum signum illius; quo modo testamentum  
dicitur voluntas testatoris. Eiusmodi signa S.  
D. a. 1. enumerat 5. tria respectu boni scilicet  
operationem, praeceptum & consilium. duo re-  
spectu mali, scilicet prohibitionem & permissionem,  
hoc verbi comprehensa.

Principit, ac prohibet, permittit, consulit,  
impler,

Ex his signis sola operatio est infallibile signum  
absolute & vera voluntatis in DEO, ideoque  
semper incidit cum voluntate beneplaciti; quia  
est impossibile DEUM non velle, quod operatur,  
missa enim, que voluit, fecit in calo & in terra.

3. Voluntas beneplaciti ulterius dividitur in an-  
tecedentem & consequentem: sicut & in absolu-  
tan & conditionatan, efficacem & inefficacem.

R. P. Menz. Theol. Schol. Tom. I.

Voluntas absoluta & efficax est, quæ absolutæ &  
efficaciter decert effectum; ideoque semper impel-  
latur, de qua etiam dicitur Esther 3. non est, qui  
in voluntati possit resistere. Voluntas conditionata & inefficax est, quæ sub conditione vult ali-  
quem effectum, ideoque non semper impelletur,  
sed impleretur, si poneretur conditio, v. g. si ho-  
mines facerent, quod deberent.

Voluntas antecedens non ex eo dicitur, quod  
sit quadam generalis & indifferens voluntas ante-  
cedens nostra voluntatis determinationem (quo  
modo exponit Valquez) sed quod per illam DEUS  
vult aliquid, prout secundum se & sua intrinseca,  
præcindendo à circumstantiis, est aliquid bonum  
& conveniens. Voluntas consequens est, non  
quæ DEUS vult post determinationem nostra volun-  
tatis, sed quæ DEUS vult aliquid in particula-  
ri, ut vestitum omnibus circumstantiis. Nam ut  
S. D. voluntas comparatur ad res, secundum quod  
in se ipsis sunt: in se ipsis autem sunt in particu-  
lari; unde simpliciter volumus aliquid, secundum  
quod volumus illud consideratis omnibus circum-  
stantiis particularibus, quod est consequenter  
velle. Idcirco voluntas consequens semper est  
absoluta & efficax; voluntas vero antecedens,  
nisi conjugatur cum consequente, est inefficax.  
Nam ut ibidem S. D. patet, quod quidquid DEUS  
simpliciter vult, sit: licet illud, quod antecedenter  
vult, non fieri. his politis sit

## §. II.

Voluntas antecedens est voluntas be-  
neplaciti.

**C**ONCLUSIO. Non solum voluntas conse-  
quentis, sed etiam antecedens, est vera & since-  
ra voluntas beneplaciti. Ita Thomistæ cum S. D.  
cit. a. II.

Probatur primò è variis Scripturis ut Ezech. 18.  
numquid voluntatis meæ est mors impiæ, dicit Domi-  
nus DEUS, & non, ut convertatur à viis suis, &  
vivat? c. 33. vivo ego dicit Dominus: nolo mor-  
tem impii, sed ut convertatur impius à via sua, &  
vivat. 2. Petri 3. nolens aliquos perire, sed omnes  
ad penitentiam reverti. potissimum vero ex illo  
1. Tim. c. 2. DEUS vult omnes homines salvos fieri,  
& ad agnitonem veritatis venire. idque confir-  
mat Apostolus ex eo, quod unus est mediator  
DEI & hominum Christus Jesus, qui dedit seipsum  
redemptorem pro omnibus. Ex quibus

Pro-

U 2